

Per noun langui long dou camin...

Nicolas Saboly Noël provençal



Per noun langui long doou camin,
Counteu quaouco sourneto ;



Sus lou fifre lou tambourin.
Disen la cansouneto.



Canten Nouvè, Nouvè,
Nouvè, Nouvè sus la museto.



Canten Nouvè, Nouvè,
Nouvè, Nouvè sus la museto.

II

Lou tems nous a gaire dura.
Ves'eici la granjeto :
Lou beou proumie que l'intrara,
Que leve la barreto.

Refrain :
Canten Nouvè etc...

III

Helas ! moun Dieou ! Lou bel Enfant !
Coumo pren la pousseto !
Dirias avis qu'es mouart de fam :
Regardas coumo teto !

Canten Nouvè etc...

IV

Ai d'ueou, de farino e de la,
E mai uno casseto ;
S'avieou de fue, li aurieou leou fa
Uno boueno soupeto,

Canten Nouvè etc...

V

Lou Pichot es mai mouart que vieou ;
Jousè fa lei techeto :
Dounas-me vite lou fusieou,
La sinso e lei brouqueto.

Canten Nouvè etc...

VI

L'Enfant es fre coumo de glas :
Pourgès-me l'escaoufeto !
Tenès, caoufas-li soun pedas,
Coumaire Guihaoumeto.

Canten Nouvè etc....

VII

Aquesto grupi va cou soou,
Coucha aquelo saoumeto.
Venès, qu'estacaren lou bueou :
Presta-me vouestei veto.

Canten Nouvè etc...

VIII

Boueno Viergi, Maire de Dieou,
Bello e jouino bruneto,
Naoutre vous anan dire adieou :
Vous leissan pas souleto !

Canten Nouvè etc...